



Broj: 04-16-15-372-9/18
Sarajevo, 19.04.2018. godine

Na osnovu člana 69. stav (1) tačka b) i člana 70. stav (4) Zakona o javnim nabavkama Bosne i Hercegovine („Službeni glasnik BiH,“ broj: 39/14) i člana 3. Pravilnika o internim procedurama stvaranja i evidentiranja obaveza i načinu potpisivanja finansijske dokumentacije(04-02-2-1210/16,) direktor Državne regulatorne agencije za radijacijsku i nuklearnu sigurnost
d o n o s i:

O D L U K U

poništenju konkurentskog postupka za nabavku usluge održavanja motornih vozila za potrebe Agencije

Član 1.

Prihvata se preporuka Komisije za javne nabavke Agencije (u daljem tekstu Komisija) i poništava se postupak javne nabavke usluga održavanja motornih vozila za potrebe Agencije po žalbi Saradis d.o.o. koja se odnosi na akt Ugovornog organa označen kao “Obavijest” kojim je Saradis d.o.o. obaviješten da nije dostavljena sva potrebna dokumentacija i da se ponuda nije mogla uzeti u razmatranje (broj 04-16-15-372-2/18 od 14.04.2018.godine) i na nepostupanje Ugovornog organa koji se odnosi na obavezu dostavljanja zapisnika o otvaranju ponuda svim ponuđačima koji su dostavili blagovremene ponude .

Član 2.

Za izvršenje ove Odluke zadužuje se Sektor za pravne,kadrovske,opšte i finansijske poslove .

Član 3.

Ova Odluka objavit će se na web stranici Agencije, istovremeno sa upućivanjem obavijesti ponuđačima koji su učestvovali u postupku javne nabavke.

Član 4.

Ova Odluka stupa na snagu danom donošenja.

O b r a z l o ž e n j e

Odlukom br. 04-16-15-372/18 od 20.03.2018.godine pokrenut je konkurentski postupak za nabavku usluga održavanja motornih vozila za potrebe Agencije (u daljem tekstu:Ugovorni organ), koji je objavljen na portalu Agencije za javne nabavke .

Rok za dostavljanje ponuda bio je 12.04.2018.godine do 12 sati, na protokol Ugovornog organa, ul.Hamdije Čemerlića 2 , Sarajevo.

Do utvrđenog roka za dostavu ponuda, na protokol Ugovornog organa su stigle **tri** ponude i to od strane **Unitrade d.o.o., AC Quattro d.o.o. , Saradis d.o.o.**

Komisija za javne nabavke u sastavu: Armin Lagumdžija – predsjednik, Nermin Halepović – član, Džemo Poljak – član i Amar Vranj – sekretar, imenovana od strane Ugovornog organa pristupila je dana 12.04.2018.godine. u 13 h, otvaranju ponuda .

Komisija je predložila da se kao najpovoljniji ponuđač nakon provedene E-aukcije odabere Unitrade d.o.o. o čemu su obaviješteni učesnici u postupku, pri čemu je propušteno da se svim učesnicima nabavke usluga za održavanje motornih vozila za potrebe Agencije dostavi i Zapisnik sa otvaranja ponuda na što je Saradis d.o.o. uložio žalbu u kojoj je istakao i činjenicu da su u Aneksu IV naveli i izjavu iz člana 10. Tenderske dokumentacije, na osnovu kojeg je Komisija smatrala ponudu nepotpunom i kao takvu nije uzela u razmatranje .

Komisija je ustanovila da je žalba blagovremena, dopuštena i izjavljena od ovlaštenog lica te predložila rukovodiocu Ugovornog organa poništenje predmetnog postupka javne nabavke, a koju je rukovodilac Ugovornog organa prihvatio.

Na osnovu navedenog, donosi se Odluka kao u dispozitivu.

POUKA O PRAVNOM LIJEKU:

U skladu sa članom 101. stav (1) tačka d) zakona o javnim nabavkama BiH, protiv ove odluke može se izjaviti žalba ugovornom organu, najkasnije u roku od 10 (deset) dana od dana prijema ove odluke.

Dostaviti:

1. Sektor za pravne, kadrovske, opšte i finansijske poslove
2. Svim ponuđačima
3. a/a

